



**D. D. Emanuelis Gonzalez Tellez, In Inclyta Salmanticensi  
Academia Collegii Majoris Conchensis Alumni, &  
antiquioris vespertinæ Sacrorum Canonum Cathedræ  
proprietarii Interpretis; in Pinciano Sanctæ ...**

Additis Notis uberioribus ab Historia, & Chorographia

Complectens Librum Qvintum

**González Téllez, Emanuel**

**Francofurti Ad Moenum, 1690**

Caput IX. Augustinus a super Genesim de morte Abel.

---

[urn:nbn:de:hbz:466:1-74544](#)

## C A P U T I X.

Augustinus <sup>a</sup> super Genesim de morte Abel.

Evidentia perpetrati sceleris non indiget clamore accusatoris.

## N O T A E.

<sup>a</sup> Augustinus.] Ita etiam legitur in prima collectione, sub hoc titul. cap. 11. Et licet verba hujus textus non reperiantur inter opera D. Augustini, extant tamen in glossa interlineari in cap. 4. Genesis, ad illa verba: *Vox sanguinis clamat ad me de terra.* In quorum verborum scholio leguntur verba in praesenti relata, forsitan quia Glossa interlinearis deponit ex operibus Divi Augustini ut jam notavi in cap. 3. de constit. Inde constat ex indiciis ad evidentiam perveniri posse; nam cum in praesenti casu tantum adefens indica, quia videlicet ambo fratres conjuncti foris exierunt, & Cain arma deferebat, majorque erat, quam Abel, evidens fuit illum fratrem occidisse ex indiciis indubitatis, de quibus in l. final. C. de probat. & notatunt Jul. Clar. §. final. q. 4. num. 3. Regens Sanfelicius l. p. decif. 28. num. 2.

quando accipiatur pro eo, quod opponitur tam *seu noto-*  
publico, quam occulto, & sic pro manifestabili, *torium*  
*l. cives, 11. juncta Glosa 2. C. de appellat. l. jnbo- quid di-*  
*mus 29. in princip. C. de testam. frequentius ta-*  
men accipitur pro eo, quod est publicum, evi-  
dens, seu notorium, *l. manifesta, ff. de jurejur.*  
*cap. manifesta 2. quæst. 1. cap. vestra, de cohabit.*  
*Cleric. cap. Romana, §. sin autem, de appellat.*  
*lib. 6. probant Abbas, & Joannes Quintinus in*  
*c. cumolim, de V. S. & ita notorium, manifestum,*  
publicum, evidens, patens, & indubitatum  
synonyma sunt, idemque important, ut constat ex  
*d. cap. manifesta, dicit. cap. ad nostram. de jurejur.*  
*cap. cumolim 13. cap. supere 31. de V. S. cap. si forte*  
*11. de elect. lib. 6. juncta cap. 2. de V. S. eod. lib. do-*  
cent Mafcardus de probat. conclus. 1105. Farina-  
cius in praxi crimin. quest. 21. Villadiego in l. 3.  
num. 9. titul. 1. lib. 6. fori, Moneta de conservat.  
cap. 7. num. 109. Nec contraria probat textus  
in l. quoniam, *C. de ure delib. ibi: Manifestum*  
*ac evidens est antequam, &c. per quam plus esse evi-*  
dens, quam manifestum, notavit Rebuss in l.  
natura verbo Evidenter, ff. de V. S. Quia respon-  
detur manifestum in eo textu accipi pro manife-  
stabili, & quod probari potest; non vero pro pu-  
blico, seu notorio; licet juxta etymologiam verbis,  
& strictè loquendo evidens dicatur, quod oculis  
videri potest, & visu patet. Nam evidens perci-  
pit per sensum visus, quia, ut ajebat Poëta:

*Segnius irritant sensus dimissa per aures,*  
*Quam qua sunt oculis subiecta fidelibus.*

Et subiacet sensu nostro, ut cum dies est media, evidens est esse diem. Notorium autem adhuc subiacet iudicio intellectus; nam tam in notorio juris, veluti post rem judicaram; quam in notorio facti, veluti cum Clericus habet domi concubinam, & ex ea filios suscepit, adhuc aliquis dubitare potest de facto, & ita notorietas à re ipsa se parari valet, quod in evidenti non procedit: & ita valde differt evidens à notorio; in quo sensu id quod evidens est, multò certius, & clarius ha-  
beatur, & probatio per evidentiā ceteris p̄f-  
fertur, l. si irruptione 8. in fine, ff. finium Regund.  
l. periculis 34. §. Neratius, ff. de auro & argent.  
Illustrant Caldas in l. scutatorem, verbo Minoribus, num. 8. Mafcardus de probat. in princip. qu. 8.  
num. 3. inde inferentes legem excludentem pro-  
bationem in aliquo calu, nunquam excludere  
eam, quæ sit per evidentiā, & per aspectum:  
nihilominus tamen late modo etiam evidens di-  
citur, quod clarum, & certum est, ac si oculis  
cerneretur: sic evidens Ecclesia utilitas dicitur  
in cap. 2. de Cleric. non resid. lib. 6. & in cap. 1. de  
rebus Eccles. eod. lib. l. 2. ff. de constit. Principum:  
evidens calliditas in l. & eleganter, §. ultim. ff. de  
dolo: evidens exceptio in l. 3. §. ibidem, ff. ad ex-  
hibendum. Sicut etiam ea quæ apparent ex conje-  
cturis admodum perspicuis, & jure probatis, de  
quibus moraliter dubitari nequit, evidentiā di-  
cuntur in l. pluribus 33. l. licet 74. §. si non sit, ff.  
delegatis 1. Vulcieus volum. 4. consil. 25. num. 116.

Menochius

Menochius lib. 2. de pref. quest. 45. cum aliis congestis a Tiraq. in l. si unquam, verbo Donatio-  
ne num. 18. C. de revoc. Molin. de primog. lib. 3.  
cap. 4. num. 39. P. Barb. in l. si constante 24. num.  
64. ff. solut. matrim.

<sup>5.</sup>  
**Mani-  
fести seu  
notorii  
driſio.**  
Deinde scendum est, notorium, publicum,  
seu evidens, aut manifestum, prout unum est, &  
unum importat, frequentius dividi in notorium  
juri, quod subdividi solet in notorium proba-  
tions, & fidei vel dispositionis, ac präsumptio-  
nis, seu fictionis; & in notorium facti, quod rur-  
sus subdividitur in notorium facti permanentis,  
seu existentis, & facti transiuntis, seu momenta-  
nei; & denique facti interpolati, quod non est  
permanentis, nec continuum, nec absolutum transi-  
ens, sed interpolatum, ac proinde inter duo  
priora velut medium: quas species, seu membra  
explicant Mascardus, & Farinac. ubi supra. Illud  
tamen summè notandum est, quod ut aliquid noto-  
rium, publicum, seu evidens dicatur, necessariò  
requiritur certitudo, & sic scientia, per quam  
illud omnibus, vel pluribus certum sit; nec suffi-  
cit existerre famam publicam ea de re apud om-  
nes, vel plures; siquidem talis fama non facit  
rem, de qua agitur, publicam, aut notoriam.  
Desideratur, ergo ut aliquid notorium, seu evi-  
dens dicatur, quod omnibus, vel pluribus notum  
sit, ita ut populus, vicinia, vel major eius pars  
testis existat, d. c. que Lotharius, ibi: *Oculis om-  
nium*: & cap. si qui, ibi: *Omnes enim*; & cap.  
ultim. ibi: *Omnibus*, 2. quest. 1. Dubium tamen est,  
quoniam personæ desiderentur, ut multitudinem  
constituant ad notorium, seu publicum efficien-  
dum; Et communiter placuit, quod cum id à jure  
præfinitum non sit, succedit Regula legis prima,  
ff. de jure delib. cap. de causis 4. §. 1. de offic. delegat.  
juxta quam totum relinquitur arbitrio judicis, qui  
Perensis circumstantiis loci magni, vel exigui, &  
personarum, numerum necessarium declarabit, ut  
pluribus relatis resolvunt Menochius de arbitri-  
eaus 166. num. 7. Mascard. conclus. not. Farinac.  
in praxi, quæst 18. ex num. 10. 4. Aylton ad A. Go-  
mez, dict. cap. 1. num. 42. Illud tamen summè no-  
tandum est, quod cum multa dicantur notoria,  
qua non sunt, cap. consuluit, 14. de appell. ubi  
proper dubium, seu negationem necessaria fuerit  
probatio, per quam appareat aliquod factum esse  
publicum, seu notorium, quamvis fama non suf-  
ficiat, sufficit tamen testimonium duorum legiti-  
mè deponentium, qui affirmant factum esse no-  
torium, reddentes rationem concludentem, quia  
coram omnibus, majori parte factum sit. Nec  
desideratur, quod testificantur omnes illi, qui ad  
notorium efficiendum requiruntur. Glossa penul-  
tima in dict. cap. Deus 2. quest. 1. Jul. Clarus dict. §.  
ultim. quest. 9. num. 6. Maseard. conclus. 1109.  
ut etiam ad probandam famam publicam sufficit  
testimonium duorum, qui deponant ab omnibus,  
vel majori parte famam constitutibus se  
audivisse. Glossa verbo fama, in cap. ultim. 1. q. 3.  
& in leg. 3. §. ejusdem, verbo Confirmat, de te-  
stibus.

<sup>6.</sup>  
**Tradi-  
tur ra-  
tio deci-  
dendi.**  
His animadversis ratio praesentis assertionis  
provenit ex eo, nam ideo in iudicio criminali le-  
gitimus accusator desideratur, ut delictum com-  
missum probetur, & tandem pro meritis reus puni-  
tiatur, omnisque occasio fraudis puniendi inno-  
centem, aut absolvendi nocentem amoveatur,  
juxta tradita supra in cap. 1. at vero ubi resevi-  
dens est, nullum datur periculum calumniae, aut

tergiversationis, nec opus est diligentia, aut in-  
dustria accusatoris: igitur tunc frusta desidera-  
tur. Deinde quia delicti evidentiâ longè magis  
Respublica offenditur; unde non oportet vel dis-  
similare diutius, vel exspectare moram accusa-  
toris; sed statim ad justam vindictam proceden-  
dum est, præcipue cum ideo in notorii juris ordo  
sit ordinem non servare, cap. pervenit, detestibus,  
cap. consuluit, de appellat. cap. olim, el. 1. de refit.  
spol. cap. super eo, de testib. cog. variis ampliationi-  
bus, & limitationibus illustrat Salgado dict. 3. p.  
cap. 14. faciunt Appius apud Livium lib. 39. ibi:  
Rem evidentem pro dubia non esse querendam. M.  
Tullius in Academ. ibi: *Nihil clariss. aut illu-  
striss. ipsa evidentiâ esse potest*. Unde recte in pre-  
senti doceatur, evidentiā patrati sceleris non in-  
digere clamore accusatoris.

Nec obstat dubitandi ratio suprà expensa, cui  
facile responderet afferendo, neminem damnari  
sine accusatore, vel aliquo, qui loco accusatoris  
habeatur à jure, qualis est hoc casu infamia pu-  
blicæ, seu evidentiā patrati sceleris. D. Thomas  
2. 2. 19. 67. art. 3. Unde recte per æquipollens  
adimpleret necessitas accusatoris. Nec obstat au-  
gmentum ipsius difficultatis, nam licet in noto-  
riis juris ordo non sit observandus; tamen adhuc  
in eis aliquæ juris requisita desiderantur, veluti ci-  
tatio, quæ requiritur, ex traditis in cap. 1. de can-  
posse, & intercessione supponit in cap. dndum 22.  
de elect. & in facto Apostoli relativi in cap. cùm sit  
Romana, § final. de appellat. ut docuit Balbea in  
dict. cap. 1. de can. poss. ff. num. 88. Etiam desidera-  
tur aliqua probatio notorietas, ex suprà traditis.  
Et tandem sententia, juxta textus in cap. cùm sit  
quemquam 2. q. 1. cap. 15. de purg. Canon. Docent  
Turriculae in dict. c. de manifesta, Anton. Go-  
mez dict. cap. 1. num. 43. ubi plures Aylton: non  
tamen desiderantur litis contestatio, probatio ordi-  
naria, & similia: nec Judge potest recusari, aut  
at alii sententia appellari valat, ut probat Salgado  
d. cap. 14. ferre per totum.

Sed supra traditis obstat textus in capit. de hoc  
11. de Simonia, in illis verbis: *Si vero manife-  
ſum est, nec tamen inde convicti, vel confessi ne-  
rint, & tamen publicè laborant infamia à eis Cano-  
nica purgatio debet indicari*. Ex quibus expreſſe de-  
ducitur, quod eti crimen manifestum sit, adhuc  
poena ordinaria infligi non potest, sed tantum  
purgatio canonica, quæ ob infamiam tantum in-  
dicatur. Pro cuius difficultatis solutione sciendum  
est, eam differentiam versari inter notorium &  
manifestum, quod adversus notorium, maximè  
facti permanentis, non admittitur ulla probatio, ut  
latè illustrat Maseard. conclus. 1109. Ripol va-  
riar. resol. cap. 1. num. 66. Gratianus dict. fe-  
renſ. cap. 312. num. 18. Carleval. tom. 2. de judi-  
cisi, lib. 1. tit. 2. disput. 2. num. 46. at in mani-  
festis contrarium procedit, quia adhuc probationes  
adversus eos admittuntur, & his deficientibus,  
conjecturae, & indicia semiprobant. Maseard. con-  
clus. 1017. Unde in dict. cap. de hoc, cùm crimen  
Simonia manifestum tantum esset, non vero no-  
torium, ideo purgatio tantum canonica indicatur.  
Nec obstat hincstis, in verbis antecedentibus  
decrevisse Alex. III. quod si manifestum esset  
delictum Simonie, aut ipsi Simoniaci convicti,  
aut confessi fuissent, deponerentur; quo in casu  
necessariò manifestum accipiendum est pro no-  
torio, siquidem utitur Pontifex disunctiva aut,  
inter casum, in quo manifestum est crimen, &  
cùm

# Titul. I. De accusationibus.

25

cum ipsi sunt in jure confessi, vel convicti : ergo in eodem sensu Alexander manifestum dixit in sequenti clausula supra transcripta. Po cuius difficultatis solutione varia adduxit quidam Neothericus in nova interpretatione ipsius textus: sed ni fallo, vera mens Alexandri III. est, ut si delictum esset manifestum, non notorium, quia tantum fama, & rumorem manifestum erat, & exinde, ut legitur in prima collectione, ipsi confessi fuerint, vel

convicti, deponerentur qui confessi, aut convicti fuerant; si autem tantum manifestum erat, quia publica laborabanc infamia, sed convicti, aut confessi non fuerant, purgatio canonica illis indicatur: & ita tam in primo, quam secundo casu ipsius textus nunquam manifestum accipitur pro notorio, sed tantum pro publico ex fama, aut rumore, quod adhuc probationibus indiget, ut supra dixi.

## C A P U T X.

Alex. III. <sup>a</sup> Galetano electo.

**C**um P. Manconella, & Bonus Coccii presbyteri, & Joannes Bonus Coccii laicus in nostra efflent præsentia constituti, eundem I. quoniam laicus erat, in jam dicti P. accusationem nequaquam admisimus. Cumque præfatus B. eundem P. super crimen simoniae constantius accusaret, nos eum, quoniam ad <sup>b</sup> testimonium illius causæ fuit adductus, & quia frater ejus, I. scilicet, jam dictum P. coram te accusaverat, repulimus ab accusatione; præterim cum frater P. Bonum Coccii antea de causa consimili accusaret. Unde quoniam unus post alterum prædictum instanti vicissitudine accusabat, neutrum ad ejus accusationem admisimus, sed utrisque de objectis criminibus purgationem duximus inducendam. Inde <sup>c</sup> siquidem est, quod d.t. per A. f. m. p.m. quat. utrumque illorum se cum tribus sacerdotibus facias infra xxx. dies post harum susceptionem litterarum purgare. Purgatores vero illius honestatis, & opinionis esse volumus, quod verisimile sit eos nolle amore, vel odio, seu obtentu pecuniae deciderare. Ut autem idonei appareant, necesse est, ut ejus, quam purgare debent, vitam & conversationem agnoscant: quod si uterque illorum, vel aliter in purgatione defecerint, tu deficientem omni officio & beneficio ecclesiastico prives, tibi modis omnibus præcavens, quod si qui memorato P. in sua voluerint purgatione assistere, nullam eis malevolentiam, vel indignationem ostendas, nec eos aliquo modo inpedias, vel ab aliis, quantum in te est, impediri permittas.

## N O T A E.

## COMMENTARIUM.

<sup>a</sup> **G**aletano. ] Ita legitur in prima collectio-  
ne, sub hoc titul. cap. 10. in hac vero  
texta legitur, Gaget: post Concil. vero Late-  
ran. part. 59. cap. 14. habuit Gaiacensi electo,  
quam lectionem restituendam esse credit Anton.  
August. in notis ad hunc textum, quia hodie est  
urbs parva in Campania hujus nominis: sed cum  
nulla Galacia, sed potius Calacia, vulgo Ca-  
lazio dicta, reperiatur, & quæ Cathedræ Episco-  
palis decorata est jam à septimo Ecclesiæ seculo, ut  
refert Carolus à Sancto Paulo lib. 1. Geograph. fa-  
tra, fol. 55. credo legendum esse Calaciensi, in  
præfenti, & in cap. cum P. de purgat. canonice.

<sup>b</sup> **A**d testimonium illius. ] Unde deducunt  
DD. inimicitiam contrahi tecum, si contra me  
testimonium dicas in causa capitali. Pro qua sen-  
tencia expendi potest textus in l. produci 23. ff. de  
testibus, ubi ait Venuleius: Produci testis non  
potest, qui ante in eum reum testimonium dixit.  
Quam doctrinam exponemus infra in cap. memi-  
nimus.

<sup>c</sup> **I**nde siquidem. ] Verba quæ sequuntur ex-  
tant in cap. P. de purgat. canonice.

**E**X hoc textu sequens deducitur assertio: In-  
<sup>13.</sup> **C**onclusio, vel laici clericos accusare non possunt. siotra-  
Probat priorem partem de inimicis repellendis ab accusatione textus in cap. Suspectos, cap. & pro-  
canonica, cap. nullus, vers. Nullus, qui inimicitiis: batur.  
cap. accusatores, cap. accusatoribus, cap. nulli, §.  
quod vero, cap. ult. §. final. 3. quæst. 5. cap. evan-  
dicia, §. sed huius vindicta, cap. ult. 23. quæst. 4. cap.  
1. de heretic. in integra, quam ibi dabimus, cap. 5.  
3 question. 3. Pontianus epist. 1. in princip. ibi: Ac-  
cusandi non sunt sacerdotes Domini ab infamibus,  
aut sceleratis, vel inimicis. Joannes Papa epist. 1.  
circa med apud Anton. August. lib. 30. epitom.  
tit. 10. ibi: Inimici accusatoribus, vel de inimi-  
ci domo prodecentibus, sen qui cum inimicis mo-  
rantur, non credatur, ne irati nocere cupiant,  
aclesi se velint ulisci. Sylvester epist. 1. ad medium,  
ibi: SS. PP. roborantes decreta statuimus, licet sa-  
pissimi jam statutum fuerit, nec falsos, nec inimicos,  
suspectos accusatores, vel testes unquam super Epi-  
scopos suscipi. Secundam partem de laicis non ad-  
mittendis contra clericos, probant textus in cap.  
beatus, cap. sacerdotes, cap. sunt plurimi, cap.  
quiescente 6. quæst. 1. cap. nullus, cap. laico, cap.  
in sancta, cap. laicos, cap. sicut, cap. laici 2.  
question. 7. cap. de cetero 14. de testibus. Ultramque  
partem probat Marcel. Papa epist. 2. ad medium,  
ibi:

D.D. Gonzal. in Decretal. Tom.V.